

叢書集成續編 第二一冊目錄

文學類



勸善小說

樂善錄十卷.....宋 李昌齡編 續古逸 一
溫柔鄉記一卷.....清 梁國正撰 香 豔 九七

俠義小說

女俠翠雲孃傳一卷.....清 秋 星撰 香 豔 一〇三
女盜俠傳一卷.....清 西 陽撰 香 豔 一〇六
列女李三行一卷.....清 胡天游撰 香 豔 一〇七
女俠荆兒記一卷.....清 不著撰人 香 豔 一〇九
貞烈婢黃翠花傳一卷.....清 不著撰人 香 豔 一一〇
王氏復仇記一卷.....清 不著撰人 香 豔 一一一
俠女希光傳一卷.....清 不著撰人 香 豔 一一二

神異小說

別國洞冥記四卷.....漢 郭 憲撰 百 子 一一三
穆天子傳注疏六卷首一卷末一卷.....晉 郭 璞注 芋 園 一二一
齊諧記一卷.....清 檀 萃撰 芋 園 一二一
劉宋 東陽無疑撰 續金華 二五五
清 馬國翰輯

Wt 95/01

杜子春傳一卷	唐	鄭還古撰	藝苑	二六一
蘇四郎傳一卷	唐	鄭還古撰	香	二六七
靈物志一卷	唐	不著撰人	香	二七〇
織女一卷	前蜀	牛嬌撰	香	二七五
搜神秘覽三卷	宋	章炳文撰	續古逸	二七七
金華神記一卷	宋	催公度撰	香	三二一
湯嬭傳	宋	吳寬撰	香	三二四
懽母傳一卷	明	王鏊撰	香	三二五
月夜彈琴記一卷	明	不著撰人	香	三二六
張老傳一卷	明	不著撰人	香	三三〇
見聞錄一卷	明	徐岳撰	說	三三一
廣東火劫記一卷	清	梁恭辰撰	香	三六五
物妖志一卷	清	葆光子撰	香	三六七
山齋客譚一卷	清	景星杓撰	昭	三八九
信徵錄一卷	清	徐慶撰	說	四二三
述異記三卷	清	東軒主人撰	說	四四七
曠園雜志二卷	清	吳陳琰撰	說	四九三
龜台琬琰一卷	清	張正茂撰	香	五二五
虞美人傳一卷	清	沈廷桂撰	香	五三一
羽族通譜一卷	清	來集之著	檀	五三三
龍經一卷	清	王暉著	昭	五三七
鬱單越頌一卷	清	黃周星著	檀	五四三
俞三姑傳一卷	清	不著撰人	香	五四七
玫瑰花女魅一卷	清	不著撰人	香	五五〇
花仙傳一卷	清	不著撰人	香	五五一

郭氏玄中記一卷		□	郭	□	撰	卽	園	五五三
碧線傳一卷		□	民	葉德輝	輯	香	豔	五六三
誌舒生遇異一卷		□		不著撰人		香	豔	五六六
誌許生奇異一卷		□		不著撰人		香	豔	五六七
玄妙洞天記一卷		□		不著撰人		香	豔	五六八

情豔小說

步非烟傳一卷	唐	皇甫枚撰	香	豔	五七一
鬱輪袍傳一卷	唐	鄭還古撰	香	豔	五七五
杜秋傳一卷	唐	杜牧撰	香	豔	五七六
沈警遇神女記一卷	唐	不著撰人	香	豔	五七七
趙后遺事一卷	宋	秦醇撰	香	豔	五七九
麗情集一卷	宋	張君房撰	香	豔	五八三
竹夫人傳一卷	宋	張耒撰	香	豔	五八四
春娘傳一卷	宋	王明清撰	香	豔	五八五
春夢錄一卷	元	鄭禧撰	香	豔	五八七
雙頭牡丹燈記一卷	明	瞿佑撰	香	豔	五九一
洞簫記一卷	明	陸粲撰	香	豔	五九五
悅容編一卷	明	衛泳撰	香	豔	五九七
閒情十二憮一卷	明	蘇士琨撰	香	豔	六〇〇
鴛鴦牒一卷	明	程羽文撰	香	豔	六〇二
豔體連珠一卷續豔體連珠一卷	清	葉小鸞撰 不著撰人	香	豔	六〇四

花底拾遺一卷補花底拾遺一卷	明	黎遂球撰	香	豔	六〇七
燕臺花事錄三卷	清	張潮撰	香	豔	六一
笠翁偶集摘錄一卷	清	蜀西樵也撰 (王增祺)	香	豔	六一
老狐談歷代麗人記一卷	清	李漁撰	香	豔	六二一
竹西花事小錄	清	鵝湖逸士撰	香	豔	六三六
影梅庵憶語一卷	清	芬利它行者編	香	豔	六三八
黛史一卷	清	冒襄撰	香	豔	六四四
寄園寄所寄摘錄一卷	清	張芳撰	香	豔	六五一
雪鴻小記一卷補遺一卷	清	趙吉士撰	香	豔	六五二
豔四二則一卷	清	珠泉居士撰	香	豔	六五七
吳門畫舫續錄三卷	清	嚴虞惲撰	香	豔	六六一
畫舫餘譚一卷	清	箇中生撰	香	豔	六六六
秦淮畫舫錄二卷	清	棒花生撰	香	豔	六七八
吳門畫舫錄一卷	清	棒花生撰	香	豔	六八八
	清	西溪山人編	雙	煤	景閣 七二五

宋紹定本
樂善錄

續古逸叢書之三十一

上海涵芬樓景印中
華學社借照日本
東洋文庫藏宋刊本

樂善錄序

或問東平王蒼處家何等最樂王曰爲善最樂大哉言乎以吾樂善之誠推之一家則一家之人皆樂善推之一國則一國之人皆樂善推之天下則天下之人皆樂善豈獨處家而已哉隴西李伯崇迎曦先生之曾孫天資樂善得南中勸戒錄伏而讀之深有契於其心遂博覽載籍旁搜異聞凡有補於名教者增而廣之分爲十卷名之曰樂善錄亟鏤板印行使家家藏此書以廣天下樂善之風此伯崇曾懷本趣也隆興甲申七夕日蒙堃何榮孫序

樂善錄序

文

知縣胡公跋

予觀邑士李伯崇所編樂善錄佛氏所謂因果之說盡於此矣有近聞異甚惜伯崇不增廣之子友章德茂以總檄來眉山寓宿驛亭忽一夕夢女子自稱齊州慕容氏之子坐生前奪所捨僧田充行奩參對幽冥罪業未洗杻械在身哀泣悲訴求德茂爲作佛事贖之噫茲亦異矣余嘗論之世間一切法皆爲幻相雖大地日月會歸於盡所不可隨幻而滅者惟心耳善惡之報皆由心造今使衆生善心一萌則種種善業悉現於前名曰順境又使衆生惡心一萌則種種惡業亦現於前名曰逆境微妙法身則如虛空了知善惡無有交涉深達罪福無起滅相慕容女子作業於心而不自覺所受罪惡亦復如彼苟爲不然衆生於此能以七寶裝嚴供養乃至無量無邊布施皆爲以幻而作佛事我佛如來坐斷諸幻豈以是故罪福衆生故曰起諸善業亦是幻造諸惡業亦是幻身如聚沫心如風罪

樂善錄跋

二

源

福如幻無起滅有人能觀此書當聞此四句偈
隆興二年十月日陳郡胡晉臣跋

運使李太博詩

法曹學士轉示

樂善新編賦詩奉

謝

李

石

不讀非相篇人心謂如面陰機蜮窺影巧攫狙
伺便誰於牛毛端萬念回一善此間有堂奧次
第躬履踐自言不爲惡凜凜三語掾世塗多疾
人奇藥得瞑眩貽我南陽書補作東平傳魯國
焉取斯爲語宓子賤

淳熙二年正月初三日

樂善錄卷一

李昌齡編

大觀間一官負於京師買靴認一靴是其父葬時物詰之鋪家言一官負攜來修可候之既至乃其父拜之不顧但取靴乘馬而去隨二三里度不可及乃呼曰生為父子何無一言見教父曰學鎮江太守葛繁其子謁繁言之因問繁何以為幽冥所重繁曰子始者日行一利人事嗣後或二或三或十今四十年矣未嘗少廢問何

樂善錄卷一

宋

以利人繁指坐間踏子曰此物置之不正則蹙人足子為正之若人渴子能與盃水皆利人事也但隨其事而利之上自卿相下至乞丐皆可也行惟在乎久後有異僧見繁在淨土境中蓋繁能以利人為念則日用無非利人事矣勸戒錄僕射王公至道初為譙幕因按逃田時飢而流亡者數千家公力謀安集上疏論列乞貸以種粒牛糧朝廷皆從之一夕次蒙城驛夢空中有紫綬象笏者以一綠衣巾童遺公曰上帝嘉汝

有憂民心故以此為宰相子後果生一男公亦拜相信造物賞善之速如此湘山野錄

潮倅余嗣紹興戊辰干綱欲往在所湊磨勘轉官薦子將行乙夜忽一人執旌呼嗣曰司命召公嗣起行回視其身乃在床上自謂死矣心甚怖俄入一城地皆琉璃甃布所過樓閣金碧輝映復自寬曰必非惡地既至一大府立殿下真官命引登殿嗣至案前熟視真官乃建炎間越州同官也姓章字文起笑謂嗣曰今年考校得三十

樂善錄卷一

二

宋

人見公姓名故特相召欲令公知嗣曰嗣才劣官卑安得預此真官曰此間豈問官之尊卑人之貴賤惟看一念正與不正公官資儘有壽止七十四若辭榮納祿可延一紀自此積功累行又有乘除所得之數皆未可量公欲之乎嗣敬諾乃命引出道過一處聞呻吟聲驚問使者曰世間何罪為大使者曰不孝為大欺罔次之殺生又次之既出門嗣曰何以見教使者曰此去食當異席寢當異被食則記取祭先寢則記取

存息皆修行之要及甦不數日遂辭綱致仕人以此多之夫章之為司命余之預考校豈非公正而然耶士夫不可不以此自勉

余氏出神記

徐鉉竄邠州遂死其家挈喪以歸道出一邑時索湘為邑宰忽一官自稱江南放叟徐鉉來謁曰僕有少懇僕在江南為學士時常為人以一寶帶投執政變一獄雖事不枉法然不免以賊名汚身今旅魂過海帝廟下恐不為帝所容君為邑宰廟籍鄉版皆隸於君君為吾謝之帝必

樂善錄卷一

三

才

難拒言既不見湘感其誠乃為禱謝極舟果無纖瀾虞暮鉉復來謝含喜欵然而去以此知受賕枉法者無所容於天地之間

事林

超然居士趙令衿赴星子任因遊五祖山恍見一老僧謂曰君至晉州當有一子之戚蓋前生知晉州以公事禁一婦人其人因失初生兒此其報也言訖不見次日至黃梅幼子善郎感疾不行會縣令吳宇語及此地唐為南晉州越四日至白湖驛去黃梅纔三十里善郎果不起

公感異僧之告乃為文以警世安知善郎物故之所非昔日兒死之地耶

居士文

有二官負以前程求夢於京師二相廟一人夢持簿者以簿示之云此乃公同行前程也視之自小官排至宰相仍有以朱勾之者問曰勾之者何也曰這人愛財陽間不義取一項此間即勾一項若急改過尚可至監司其人聞之更不妄取後果作監司嗚呼得彼失此自有乘除何苦貪饕空招罪戾與其為富監司孰若如寇萊

樂善錄卷一

四

永

公為無地起樓臺宰相不亦榮乎

王日休勸戒錄

東都有人養鸚鵡甚慧施於僧僧教之能念經往往架上不言不動問其故答曰身心俱不動為求無上道及死焚之有舍利

唐刺史李繁優玄聖蓮蘆篇

阿育王經二

者皆以見聞入道人而不能是猿鳥之不若劉承勲事江南為德昌宮使李氏金帛多在德昌文簿淆亂不可鈎考劉既專宮事乃盜用無筭侍妾數百富於一時及李氏歸朝劉失職破

敗晚年乞食街中凍餒而死方富貴時安知有今日事大抵食君之祿而又剽竊公帑宜無遠大故死有餘責而殃及子孫者多矣

楊文公談苑

潘謹修言江南之平建州也大將余洪敬妻鄭氏有絕色爲亂兵所獲獻于裨將王建峯王逼以非禮鄭志不可奪脅以白刃亦不屈又命引所掠婦女殺一人以食謂鄭曰汝懼乎鄭曰此身寧早充君庖誓不可以非禮汚王竟不忍殺以獻大將查文徽查將以薦枕鄭大詈曰王師

樂善錄卷一

五

宗

弔伐義夫節婦宜加旌賞王司徒出於卒伍固無足怪君侯知書爲國上將當有以表率羣下風化遠方乃欲加非禮於一婦人以逞欲乎願速見殺查大慚求其夫而付之夫鄭氏節操凜凜雖二將虎狼終不敢犯

楊文公談苑

黃靖國熙寧初死而復甦自言至陰府府公問曰卿官儀州醫工聶從政者識之乎有一事可以警世徐驅一婦人出命以刀割其腹刮其腸流血浹地號叫之聲所不忍聞曰此華陰主簿

妻李氏也思與聶亂聶不從故受此苦聶延壽一紀陰司最以此爲重也卿其知之蓋男女之別人之大倫豈可瀆亂回視鄭氏得無愧乎

錄

應響

金陵道士章齊一能詩尤長於嘲人皆畏之後得疾嚼舌而死今之好嘲喜傳者不可不戒

公談苑

有臨南海太守見配崖州人例以三百爲率過其數則推先到者於海乃奏白於朝云所以不

樂善錄卷一

六

宗

殺而宥之遠方者欲生之也今推之於海是復殺之矣不若量移先到者入內地以彰朝廷不殺之德上亦感悟遂可其奏此太守無子一日忽設香案作拜以手於案上若取物置於懷中狀凡五次人問之曰天帝以我活人以五小盤盛五男子賜我後果生五男皆登第以此知仁人之言其利博而造物亦厚其報

王日休勸戒錄

盧多遜貶朱崖李符白趙普曰朱崖雖在海外水土不甚惡春州近在內地至者無生還宜以

多遜改竄春州外示台座寬貸而實置之必死之地普不荅後符坐事貶出上欲再貶嶺外普遂白上以符知春州到任未浹旬而卒夫李符本欲以春州中多遜而不知反受其報乃為後日竄死之所

楊文公談苑

周世宗性慘急果於殺戮有忤旨者魏仁溥皆歸罪於己以營救之賴以全活者十七八人淮南之役所獲敗卒凡千人仁溥從容白以隸軍鋒刃之下無橫死者魏雖起自刀筆終能致位

樂善錄卷一

七

才

丞相與夫歸罪於人以逃責者豈不相遠其貴顯宜哉

林事

近一人還覓見陰司追到一官負主者謂曰惟願汝善勝於惡即得受生萬一惡勝於善此不容私命取善簿乃一小青軸主者已蹙頰又命取惡簿乃一大黑錄主者愈不樂復命取一秤無錘頭尾皆鈎掛青軸黑錄秤之青軸乃壓起黑錄主者大喜蓋其人為給事中時駁一事利及天下惡錄大者件數多而害輕青軸小者件

數少而利重故能壓起也以此知人之處世苟可以利人者不可不勉向使無此一事誠亦可

駭王日休錄

何僊姑在世時一主簿忽得天書字不可識以問僊姑姑曰天書言主簿受金十兩折祿五年以此知上天之難欺也

勸戒錄

曇相禪師

觀音化身

往三教院應供道逢一牛瘡血

被體其徒以問師曰此牛昔一獄吏也時有禁囚一十七人吏考掠無完膚故有此報今三十

樂善錄卷一

八

年矣尚餘三年夫箠之下何求而不可得苟存心不恕罪報其可逃乎

十生記

曹彬攻金陵與諸將焚香為誓曰克城之日幸無妄殺一人明日城下按堵如故曹翰克江州忿其城不下屠之而彬之子孫至今貴盛翰死未三十年子孫有乞丐於海上者夫二將成功雖一然用心相遠故其報亦異

林事

侍郎种放謁陳希夷陳曰公相貴然無壽放曰奈何陳曰惟寡慾可得中壽放遂不娶亦無侍

妾壽六十一而終以此知多慾之人不無損壽

也開見錄

乖崖公鎮蜀時夢謁紫府真君接語未久吏忽報請到西門黃兼濟承事黃幅巾道服真君降階迎接甚謹且揖乖崖坐黃之下詢顧詳款似有欽嘆之意公翌日命吏請黃戒令以常服來比至一如夢中所見遂以夢告因問黃有何陰德蒙真君禮遇如此黃曰無他長惟每歲禾麥熟時以三萬緡收糴民或艱食即以元糴斛斛

樂善錄卷一

九

不增價糴之在兼濟初無損於小民頗有補乖崖曰此君所以居詠上也命二吏掖持黃令坐索公裳拜之三四世之富民逸居飽煖無所用心不為嗜慾所惑則必為慳慢貪嫉強橫姦詐所惱矣公能如此宜為真君所重類苑

王纂憫中原饑饉於靜室飛章哭泣告天後三夕感太上道君降謂纂曰子憫人上章地司列言吾所以親鑒於子今以神化神呪二經授汝行之可拯萬民陰功可成真階可冀後果僊去

夫王公一念之善立通神明人之念慮其可不

正高道傳

一士人赴試京師道見一人開簿自後竊觀之持簿者覺而大怒士人問此何簿曰來年過省簿問有某姓名否曰有汝來年過省當受陳留主簿士人私喜自負後至陳留界時大旱有一人擔水而過士人既求飲又求與馬擔水者云此水十里路取來已與官人飲了又欲與馬真不識好惡士人怒曰他時來此守官當治汝明

樂善錄卷一

十

年乃下第後十年方過果受陳留主簿一念之惡遲了十年戒哉勸戒錄

楊震為東萊太守道過昌邑邑令王密夜以金十斤遺震曰暮夜無知者震曰天知地知子知我知何謂無知密愧而去震子秉為侍中尚書自震至彪四世太尉為東京名族夫王密謂夜無知者而賂震以金震乃謂已有四知而拒不敢受人之所見既殊福業亦相遠矣漢史

文光讚父自少至老無歲無獄訟事以宿因問

曇相禪師曰汝父前生本寫詞狀人故今反受其報光讚懇求救免師教以紙糊竹簞為桎梏令自囚三日然後為作懺悔姑錄之以為教唆者戒

十生說

石揆妻厭多產嘗兩殺初生兒後數歲有孕一產四子苦痛不可堪忍良父母子俱斃又有安州司法秦光亨者方在母胎時其舅陳遵兩夕連夢一小兒挽其衣若有所告其狀甚急遵寤而思曰姊方孕且產期伊邇豈意不樂多子而

樂善錄卷一

十一

才

欲殺是兒耶馳往省之則兒果已覆在水盆中矣遵救之乃免破胎傷子者不可不知

東坡集

江南李後主獵於青龍山一牝狙墮網見主兩淚屢指其腹若有所告主大怪戒虞人守而勿殺是夜果生二狙人謂禽獸無知可乎

湘山野錄

程仁霸攝本州錄參眉山有盜蘆蕨根者所持刃誤傷主人尉幸賞以刼聞獄掾受賕掠成之公知其冤謂盜曰盍訴冤吾為直之盜果稱冤遂移獄公直其事而尉掾爭不已復移獄竟論

殺盜公因罷歸尉掾皆暴死後三十餘年晝日見盜拜庭下曰尉掾未伏待公而決前此地府欲召公暫對我叩頭爭之曰不可以我故驚公今公壽已盡我為公荷檐而往暫對即生人天子孫壽祿朱紫滿門矣公沐浴衣冠就寢而卒東坡幼時聞此言已而其外祖父壽九十舅氏貴顯壽八十五曾孫皆仕有聲同時為監司者三人元孫宦學益盛而尉掾之子孫微矣或謂盜德公之深不忍煩公暫對則可矣而獄父不

樂善錄卷一

十二

才

決豈主者惡之亦因以苦尉掾歟希賞而害人者不可不戒

東坡文

張秉知冀州有盜刼民財又亂其女父母以告公怒命設架釘盜於門三日醢之議者快焉後數歲被攝至陰司聞殿上珠箔下厲聲曰張秉爭得非法殺人命引到獄面對一囚血肉淋漓泣曰爾非法殺我今無受託之所公方憶是冀賊詬之曰糜汝萬軀未足雪其父母耻尚敢訴乎旁有一吏曰五刑自有常典亦不得憾其訴

公視之乃從事河陽日一幕典公曰爲之奈何
吏曰幸公筭未盡但遣令受生即可脫去公窘
怖叩吏所以遣之之術吏曰遣功之大無如法
華經公許誦經囚乃釋去夫冀賊之情誠難容
忍法外之戮陰司尚議其非况私喜怒徇請託
受賕賂而陷人於法者其罪當如何野相山錄

史沆仕不得志好持人短長世以凶人目之然

亦以此自敗累坐事羈房移襄以卒苑類

杜延喜雙目風瘡食已即吐口眼中常出白蟲

樂善錄卷一

十三

齊

長寸餘細如線緣遶面上腥穢不可近其子光
福以宿業禮問曇相禪師曰汝父前生行豎常
以草葉間蟲置人口中欺之曰齒蟲又以驢脚
筋置人眼中欺之曰眼蟲以此死墮蛆蟲地獄
今始得人身故有此報蓋醫家最難一念纔差
性命所係豈可更爲欺誑十生記

郭文慶問曇相曰舅氏徧體害瘡痛不可療其
故何哉師曰汝舅前生以針爲醫不善其術誤
傷于人此其報也今之醫者不可不學十生記

蔡順事母以孝聞母死未葬適里中火災順伏
棺號哭火乃越燒他室古初父喪未葬鄰家失
火初匍匐柩上以身扞火火爲之滅廉范其父
死於蜀范迎父喪歸葭萌載舡觸石破沒范抱
棺浮沉人鉤求得之療救僅免夫三人一念爲
親雖蹈水赴火猶不爲害信孝德之可以感通

神明如此

並漢史

越州一寄居官姓李於紹興十三年詣行在磨
勘轉朝奉郎告下兩日遽死及甦遂焚告人問

樂善錄卷一

十四

宗

之乃曰被攝至一官府見廳上有着緋着綠二
官負與吏人說話若議事然久之方叫云朝奉
郎李某汝分只合做朝奉郎兩日却餘二十年
壽汝今要作兩日朝奉郎耶要享二十年壽耶
我荅曰只願享二十年壽復旨揮云汝既還却
焚了告命夫官吏所以商議者蓋官爵與壽數
參差故議而後發問也今錄之以爲貪冒躁進
者戒勸戒錄

樂善錄卷一

樂善錄卷二

李 昌齡 編

竇禹鈞年三十未獲嗣夜夢祖父謂曰汝年過無子又壽不永當早修陰德禹鈞唯諾家僕盜用數百千錢懼事發遂遁寫券繫女臂曰賣此女以償欠公憫而嫁之僕感泣歸訴前罪公置不問由是圖公像日焚香以祝公年又嘗入佛寺得遺銀二百兩金三十兩黎明復入院以伺失者果一人泣涕而至公問其故曰爲父犯大

樂善錄卷二

辟遍告諸親貸得此物用贖父罪昨暮失去父不復贖矣公驗實還之更有所贈又內外姻婭有喪不舉有女不嫁者公一切周旋歲之所入除伏臘供給外皆以周急家尚儉素建書院四十間聚書萬卷延文行師儒有志於學者聽其自至是以由公門而貴者前後接武公歷官至左諫議大夫致仕義風家法實一時標準生五子並登第儀禮部尚書儼禮部侍郎侃左補闕偁參知政事僖起居郎公一夕復夢祖父謂曰

陰陽之理大抵無異善惡之報或在見世或在來世天網恢恢疎而不漏無可疑者汝本無子又降年不永以陰德故天延汝壽三紀賜汝五子貴顯壽終當爲洞天真人公益進修年八十二沐浴別親舊談笑而逝夫竇公當天而壽當絕而續五子八孫皆列于朝者何哉蓋積累厚而報亦熾愚者無知營營自苦平生無一善事福盡還墜後不如今悲夫

范文正公集

樂善錄卷二

局竊甚固戒家人無妄取去世數日前歸謂家人曰吾平生市物必過所售之數與之冀其間有以多爲辭者即以所貯錢賞其廉今終吾身竟無一人以多爲辭者信世俗之貪冒而廉遜者誠難其人

高道傳

王延範爲左道所惑任廣西轉運日常寓書左拾遺韋務昇作隱語詞朝廷事一日以事杖張知霸知霸憾之知延範與知州徐休復不協遂詣州告其事徐以聞奏 太宗遣內侍閭承翰